



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

De Gvnthero, Episcopo Navmbvrg.

urn:nbn:de:hbz:466:1-11884

tatu donatus est. Igitur doctrinâ pariter & vitâ excellens Albertus eam, qua præcessit seræ posteritati viam commonstrare poterit ad cælum. Insuper Monasterium Gozense cum suis fratribus extruxit, priuilegijsque donauit: suam vero Bremenîem Ecclesiam ad instar Beneuentanæ, viginti quatuor annorum spacio absoluit. Episcopus ordinauit viginti, quos ad conuertendas gentes Aquilonares emisit. Hamburgum sæcundam matrem gentium appellare solebat. In defuncti ipsius thesauris præter libros, & reliquias Sanctorû nihil inuētum est. Obijt Goslarîæ, 21. Martij An. 1073. sepultus Bremæ.

DE FRIDERICO, EPISCOPO MONASTER.

ACCEDANT huic duo alij eiusdem ferè temporis Episcopi, Fridericus, Dieterici II. Marchionis Landsbergensis, à quo Duces Saxonîæ, Electores, & Principes hodierni familiæ VVitikindeæ recta descēdunt, filius, Episcopus Monasteriēsis, cuius ciuitatis mœnia instaurauit, & ædem S. Mauritij, vbi & sepultus est, condidit:

DE GVNTHERO, EPISCOPO NAUMBVRG.

ET alter Guntherus prædicti Friderici fratrueis, Episcopus Naumburgensis, mor-

tuus in Domino Anno 1093. Qui duo inquam Episcopi, cum viuerent, in Catholica ouiculas sibi commissas pauerunt Religionē, quam defuncti posteris quoq; ad animarum suarum salutem voluerunt esse commendatam.

DE CONRADO MAGNO, ET
FILIIS EIVS.

NOL O præterire Conradum *Magnum*, qui & *pius* cognominatus est, Thimonis filium, Dieterici II. supradicti nepotem. Primus iste sui stemmatis à Cæsare Lothario II Marchio Misniæ inuestitus est Ann. 1126. Effecit hoc magna illius virtus: sed quid admiranda eiusdem in sancta Catholica religione pietas? vt viduus postea inuestiretur inter fratres laicos monachus in cænobio Lauterbergiano, quod ipse absoluit, & liberalissimè dotauit, & in quo mortalem hanc vitam finiuit 5. Febr. An. 1156. Huius Cōradi Pij numerosa proles fuit, sed similiter pia; Primogenitus eius filius Otto Marchio Misniæ, cognomento *Diues* à fortunatis metallorum fodinis appellatus, ob quarū inuentionē Fribergā cōdidit, Lipsiam, & Isenburgū muris cinxit. Sed quod ad propositū nostrū spectat, princeps pius Cænobia fundauit duo, vnum in Thuringia, quod Portam vocant,